

O luns fírmase o convenio de integracións entre o Club Marítimo Marisma da Ramallosa e o IEM.

Escrito por Redaccion @valminorinfo
Domingo, 19 Decembro 2010 08:16

Tras varios anos de colaboración en diversas actividades entre o Club Marítimo Marisma da Ramallosa (CMMR) e o Instituto de Estudos Miñoranos (IEM), a directiva do Club e a Xunta de Goberno do IEM acordaron a integración das dúas asociacións. A partir do convenio que se asinará o próximo luns, 20 de decembro, ás 20:30h na Aula de Cultura "Ponte de Rosas", sede do Instituto de Estudos Miñoranos, o CMMR pasará a constituírse como sección Marítimo-Fluvial do Instituto de Estudos Miñoranos.



O convenio de colaboración sinala que “En función da súa natureza e obxectivos, ambas entidades coinciden en desempeñar un papel de importancia en fomentar a conservación e respecto polo patrimonio miñorán, así como o coñecemento e o estudo do medio mariño en xeral, a través de actividades de investigación, divulgación e calquera outra que favoreza o mantemento e conservación das nosas costas e mares, como un ben económico e cultural.”

Ao rematar o acto servírase uns copos e uns petiscos aos presentes para celebrar este acordo que ambas as dúas institucións consideran “de suma importancia para as actividades de recuperación e defensa do patrimonio marítimo e fluvial do Val Miñor.”